

HOC RECIPIT

NEMO

NI SI DIGNUS

DISPUTATIO
JURIDICA INAUGURALIS
DE

JURE JURANDO LITIS DECISORIO.

QUAM
ANNUENTE DEO TER OPT. MAX.

Ex Auctoritate Magnifici Rectoris,

D. JOHANNIS JACOBI RAU,
MEDICINÆ DOCTORIS EJUSQUE ET ANATOMIÆ
ET CHIRURGIÆ PROFESSORIS ORDINARI.

NEC NON

*Amplissimi SENATUS Academici Consensu, & Nobilissima Facul-
tatis JURIDICÆ Decreto,*

PRO GRADU DOCTORATUS,

Summisque in UTROQUE JURE Honoribus & Privilegiis
ritè ac legitime consequendis,

Eruditorum Examini submittit

JACOB OCKERSSE, Ziiizæa Zelandus.

Ad diem 27. Julii 1718. horâ locoque solitis.

HONOR EST PRÆMIUM CUIUSQUE VIRTUTIS.

TEMPLUM VERITATIS

LIBAT. I. LOU. ARNOLD LANGERAK.

THE
NEW YORK

THE REPUBLICAN

OF THE
CITY OF NEW YORK

Vol. 1. No. 1. 1847.
Published weekly, except on Sundays and
holidays, at No. 10, Nassau Street, New York.

Price, Five Cents per Copy.
For the Year, \$1.50 in Advance.
The Office of the Paper is at No. 10, Nassau Street,
New York.
Entered as Second-Class Matter, May 17, 1847,
under Post Office No. 10, Nassau Street, New York.
Postage paid at New York, N. Y., May 17, 1847.
Accepted for mailing at special rate of postage provided for in
Act of October 3, 1917, authorized on July 10, 1918.

Nobilissimis, Spectatissimis & Amplissimis

VIRIS.

D. WILHELMO OCKERSSE.

J. U. D. CIVITATIS ZIRIZÆANÆ EXCONSULI, &c. PATRI SUO OPTIMO, FIALI AMORE ET OBSEQUIO AD ROGUM USQUE COLENDO, VENERANDOQUE.

D. CORNELIO C. OCKERSSE,

J. U. D. CIVITATIS ZIRIZÆANÆ EXCONSULI, SCABINO, AC SENATORI &c.

D. ADRIANO OCKERSSE,

EJUSDEM CIVITATIS CAMERÆ PUPILLARIS QUONDAM ASSESSORI, &c.

D. JOANNI CORNELIO

OCKERSSE, INTER PRÆFECTOS CLASSIUM ZELANDICOS LOCUM TERTIUM TENENTI, NOBIS VULGO. *Schout by Magt.* PATRUIS SUIS PLURIMUM HONORANDIS, ÆSTIMANDISQUE.

D. WILHELMO vanden BROECK,
J.U.D. TOPARCHÆ DE VRYHOEVEN. CU-
RIÆ SUPREMÆ, QUÆ HOLLANDIÆ, ZE-
LANDIÆ, FRISIÆQUE NOMINE HAGÆ
BATAVORUM EST, SENATORI. AVUNCU-
LO DEBITO HONORE ET OBSERVANTIA
SEMPER COLENDO PROSEQUENDOQUE.

*Hasce studiorum suorum primi-
tias, seque ipsum eâ, qua
par est reverentia & Obse-
quio.*

D. D. D.

JACOB OCKERSSE.



DISPUTATIO JURIDICA
INAUGURALIS

DE

JUREJURANDO
LITIS DECISORIO.

Caput Primum.

De Jurisjurandi Etymologia & Definitione.



Isceptaturus pro solenni Academiae more dubius diu hæsi, quamnam ex vasto juris Oceano eligerem Materiam; tandem illa de Jurejurando litis Decisorio maxime arrisit, cujus utilitatem & præstantiam in litibus decidendis prædicare velle esset oleum & operam perdere; in universum tanta enim jurisjurandi apud Veteres fuit Veneratio, ut Cicero *lib. 3. d. offic. testetur; Nul-*

lum vinculum ad adstringendam fidem Furejurando Majores arctius esse voluerunt; id indicant Leges XII Tabb. indicant Sacra, indicant Fœdera, quibus etiam cum hoste devincitur fides, indicant Notationes, Animadversionesque Censorum, qui nulla de re diligentius, quam de Furejurando judicabant. & Livius lib. 1. Histor. cap. 21. docet quod tempore Numa Fides ac Jusjurandum regebant Civitatem. sed antequam ad rem ipsam pervenio, pauca mihi præmittenda videntur.

Et primum est, ut videamus, unde Jusjurandum dicatur, & deinde quid illud sit. *Furi enim operam daturum, ait Jctus, prius nosse oportet, unde nomen juris descendat. l. 1. ff. d. just. & jure. sunt igitur, qui dictum volunt quasi Jovis jurandum, quia per summum numen est concipiendum, quo respicit illud Ennii apud Cic. lib. 3. d. offic.*

O alma fides, apta pinnis, & jusjurandum Jovis.

Alii deducunt à *jus & juro*, quia de eo, quod justum est, tantum jurari debet, habet enim hos tres Comites, Veritatem, Justitiam & judicium. *Zoefius ad Pand. n. 10. pro eodem dici juramentum uno, alteroque loco in Pandectis occurrit l. 34. §. 5. ff. h. t. l. 25. §. 3. ff. d. probat. quod venit à juro tantum, & posterioris ævi Scriptoribus admodum est frequens. l. 1. in pr. l. 2. §. 2. C. d. jurej. propter calum. dando. etiam appellatur sacramentum. l. 11. 12. 13. C. b. 1.*

Viso itaque jurisjurandi Etymo, nunc quid illud sit, videndum; definit illud Cicero lib. 3. d. offic. *Quod sit Religiosa affirmatio adhibito Deo teste. alii aliter, Nos vero sic definiemus. Jusjurandum est Religiosa Asseveratio, qua fit Deo teste, cum execratione, nostri si fallamus. Dixi, Religiosa Asseveratio. h. e. veritatis affirmatio, aut negatio contemplatione & respectu Divini Numinis facta, quo venerationem, & metum juranti injici dubium non est. Quæ fit Deo teste. quod indicat jusjurandum per solum Omnipotentem Deum, qui Cordis Arcana & cogitationes penetrat, posse fieri, ut veritatis sit testis, & perfidiæ vindex. Deut. 6. v. 13. Exod. 22. v. 11. Jesaia cap. 65. v. 16. per creata igitur juran-*

jurandum omnino non est, ne honor soli Deo debitus illis attribatur. *Matth. cap. 5. v. 34. & seqq.* jure tamen veteri per genium & salutem Principis jurare concessum fuit *l. 13. §. ult. ff. h. t. l. 3. in fin. & 4. §. ff. eod.* cum qui ita jurat, respectu divini Numinis jurasse credatur. *l. 33. ff. h. t.* sic etiam valet jusjurandum superstitione factum, cum ita jurans nihilominus per suum Deum juret *l. 5. in pr. & §. 1. ff. h. t.* Improbatae vero Religionis jusjurandum habetur pro eo, ac si juratum non esset. *d. l. 5. §. 3. ff. eod.* Recte quoque juratur tactis Sanctis Euangelis, quod vocatur jusjurandum Corporale. *Nov. 74. cap. 5. Nov. 124. cap. 1.* eodem modo ac olim tactis aris. *Virg. Eneid. 12. v. 201.* sed hæc parum faciunt ad rem, & sufficit aliquem solummodo per Deum jurare.

Altera pars Jurisjurandi est *exsecratio Nostri, si fallamus.* quæ jurans se, suamque æternam salutem Dei omnipotentis iræ atque vindictæ devovet & subjicit, si sciens fallat; quæ exsecratio sui licet sub jurejurando tacite contineatur, nihilominus, ut major juranti injiciatur Religio, clavis & apertis verbis est exprimenda; eodem modo ac olim per Jovem Lapidem jurans dicebat: *si sciens fallo, tum me Diespiter, urbe, arceque salvâ, ita bonis ejiciat, ut ego hunc Lapidem.* vide etiam Scipionis jusjurandum apud *Liv. lib. 22. Cap. 53.* sic etiam apud Nos *ita me Deus juvet.* hisce itaque satis liquet non temere esse jurandum, nec de re nisi majoris momenti, & quam probe cognitam habemus, si enim in perjurium abiit, dubium non est, quin Deus Acerimus ejus futurus sit vindex.

Notandum etiam est, multa ac varia Jurisjurandi olim fuisse genera & formulas, ut quod fiebat *per Jovem Lapidem*, ut testatur *A. Gellius Noct. Attic. lib. 1. cap. 21.* *per Superos, per genium & salutem Principis, per suam, Liberorumque salutem & Caput. l. 3. §. ult. ff. h. t.* *Brissionius de Formulis lib. 8. in pr.* qui quam plurimas ibi enarrat Formulas, de quibus singulatim agere hujus non est loci, quoniam brevitati studere est animus.

Quæri in ingressu hujus Materię solet, an Jusjurandum Christiano quidem sit licitum? Quod videtur affirmandum nihil obstante objectione ex *Matth. cap. 5.* ubi sic legitur, *ne*
ju-

jura omnino, & paulo infra, sed sit sermo vester, est, est, non, non. Quorum verborum, uti & tertii Præcepti Decalogi sensum absque dubio perperam intelligunt, cum ibi non agatur de Jurisjurandi prohibitione in totum, sed ejus præstandi facilitate & frequentia etiam in causis minimis, & sermone quotidiano, quod merito ibi vetatur; alias illud esse licitum apparet ex plurimis S. Scripturæ locis, ubi Deus ipse sæpius per se jurat, ut *Genes. cap. 22. v. 16. Jerem. cap. 22. v. 5. Dent. cap. 6. v. 13.* ubi Deus ipse jurandi formulam præscribit, & sexcentis aliis locis, quibus ejus fit mentio, sic etiam Paulus *ad Hebr. cap. 6. v. 16.* vocat *juramentum omnis controversiæ finem.*

Caput Secundum.

De Jurisjurandi Divisionibus.

Expositâ itaque Jurisjurandi definitione ordo postulat, ut ad ejus divisiones transeam; & primo illud dividitur in *Promissorium* & *Affertorium*.

Promissorium est, quod futura negotia concernit, ut iis major firmitas accedat. quod præstant Tutores, & Curatores in ingressu officii, *Nov. 72. cap. ult. & Auth. quod nunc C. d. curat. fur.* etiam subjecti suo Principi, quod vocatur Homagium: iudices & Advocati. *l. 14. C. d. judic.* Milites, qui præstant sacramentum Militare *l. 11. ff. d. testam. milit.* cæterum hoc jusjurandum adjicitur quoque pactis & conventionibus, & habet vim pacti, cui sæpius comparatur. *l. 35. §. 1. ff. h. t. l. 95. §. 4. ff. d. solut. & liberat. l. 11. §. 1. ff. d. injur. l. 7. §. 16. ff. de pact.* Pactum autem jure civili non parere Actionem certum est. *l. 7. §. 4. ff. d. pact.* ergo nec hoc jusjurandum alteri negotio adjectum ex se ipso Actionem producit, licet aliter obtineat jure Canonum. *Cap. cum contingat 28. extra h. t.* quid igitur dicendum? sequitur naturam contractus, & negotii sui naturâ validi, cui adjicitur, estque illi instantum adjectitia qualitas. *l. ult. C. d. non nu-*

mer.

mer. pecun. l. 13. §. 3. & 4. ff. h. t. nec obstat §. 11. instit. d. Act. ubi Prætor juranti iustissime dicitur accommodare Actionem, si ei non solvatur. Resp. hanc non ex pactione, sed quasi ex debiti petiti confessione nasci: Boekelm. d. Act. cap. 3. pars. 9. n. 10. & Cl. Ulr. Huberus. Eunom. Rom. ad lib. 2. Pand. p. 113. Nec turbat, quod aliter obtineat in jurejurando Liberti operas & Munera patrono pollicentis, quo casu inde verborum nascitur Obligatio, & per consequens Actio. l. 13. ff. d. accept. junct. l. 8. §. 3. eod. vide Bachov. in Treutl. Disp. XXI. Thes. 2. lit. A. Resp. hoc esse singulare in liberto, qui etiam ante jusjurandum ob inæstimabile libertatis beneficium Patrono ad illa naturaliter obstrictus fuit: Caji instit. lib. 2. tit. 9. §. 4. l. ult. ff. d. liberali causa. Sed quid si negotio per se invalido adjiciatur, an illud confirmet quæstio est elegans; quod negatur. l. 7. §. 16. ff. d. pact. l. 5. in fin. C. d. legib. v. Arn. Vinnium in Tract. spec. d. Pact. cap. 18. n. ult. sic de jure civili; quamquam aliud jure Canonico obtinere videatur: cap. 28. x. d. jurej. quod vult jusjurandum servari, quatenus sine dispendio æternæ salutis servari potest.

Affertorium est, quod præsentia vel præterita in primis respiciunt negotia. quod veritatis confirmandæ, vel litis decidendæ gratia comparatum est, & hoc posterius vel à partibus invicem, vel à judice deferri potest, & dividitur in Voluntarium, Necessarium, & Judiciale. Quorum vocabulorum sensus satis constat, sed diversimode à DD. usurpantur vocantibus quibusdam hoc Judiciale, quod alii Necessarium appellant; sic etiam Nos illud dicemus Necessarium, quod aliis est Judiciale, quoniam hoc ante judicium coeptum deferri potest etiam invitis, & ita vocabulum Necessarii ei melius congruet. arg. l. 34. §. 6. ff. h. t. ibi cogam. Nunc consequens videtur, ut de his singulis paulo dispiciamus accuratius.

Voluntarium igitur illud jusjurandum, quod à liberâ voluntate partium dependet, est, quod pars parti defert extra judicium per modum conventionis, vel transactionis. primo igitur jusjurandum deferri debet, antequam præstetur, alias nihil est, l. 3. ff. h. t. dein eâdem, quâ delatam est, forma est præstandum: arg. l. 3.

§. ult. & seq. ff. h. t. l. 33. ff. eod. Præstatur ergo illud prævia conventionem, adeoque referri non potest. l. 17. ff. h. t. & nisi præstitum sit, vel remissum, nullus ejus est effectus. l. 5. §. ult. ff. h. t. si præstitum sit, habet speciem transactionis, majoremque auctoritatem, quam res judicata. l. 2. ff. h. t. & quemadmodum transactio, sic nec illud retractari debet. l. 31. in fin. ff. h. t. l. 19. & 29. C. d. transact. Quod jusjurandum hodie apud Nos ab usu recessisse, omniaque juramenta facta esse judicialia notat Gronew. d. ll. abrog. ad l. 28. §. ult. ff. h. t.

Sequitur nunc Necessarium, (aliis, ut supra monui, dictum Judiciale) quod vocabulum rei est magis congruum, quia hoc jusjurandum delatum necessario est præstandum vel referendum: l. 38. ff. h. t. Necessarium ergo jusjurandum est, quod pars parti defert, vel refert in judicio accedente interlocutoriâ judicis sententiâ. l. 12. §. 1. C. h. t. quod Compendii litium gratia, & æquitatis ratione inductum ait Paulus lib. sent. 2. tit. 1. Nec interest, utrum ante, an post litem contestatam usque ad sententiam interponatur. l. 12. in pr. C. h. t. Actorve jam aliquid probaverit, nec ne. l. 35. in pr. ff. h. t. l. 25. §. pen. ff. d. probat. l. fin. C. d. fideicom. l. ult. §. 10. C. d. jure delib. Fachineus contr. jur. lib. 1. cap. 19 & 20. Manifestæ enim turpitudinis est, illum, cui jurisjurandi conditio defertur, quo fit testis & judex in propria causâ, nolle jurare, aut referre: d. l. ult. C. fideicom. l. 9. C. h. t. l. 38. ff. eod. Nec ei jurisjurandi delatione fit injuria, cum, si lubet, hoc referre possit. l. 34. in pr. ff. h. t. Obstat l. 4. C. t. edendo. ubi dicitur Actore nihil probante reus esse absolvendus. Resp. illum, qui adversario jusjurandum defert, non eo petere probationes sibi fieri, sed potius adversarium in propria causâ facere judicem, & magis esse, ut jurejurando deferendo omnis probationis necessitas evitetur. l. 1. ff. quar. rer. act. non datur. Cæterum hoc jusjurandum utrum ab Actore an Reo deferatur, nil refert. arg. l. 41. ff. d. R. 7. præstito tantum prius jurejurando Calumniæ, se non calumniandi animo hoc facere. l. 25. §. 3. ff. d. probat. l. 34. §. 4. & 37. ff. h. t. l. 9. C. eod. quod deferens modo, non etiam referens facere compellitur. l. 34. §. 7. ff. h. t. Quod etiam Parentibus, Patronisque,

si liberi vel liberti jusjurandum deferant, ob debitum illis honorem & reverentiam remittitur. *l. 7. §. 3. ff. d. obseq. par. & patr. prest.* adeoque in *l. 34. §. 4. ff. h. t. pro neque patrono, neque parentibus* legendum est *eque patrono, atque parentibus remittitur.*

Jusjurandum Judiciale dictum ab eo, quod semper à judice in judicio deferatur, est, quod *judex ob inopiam probationum in causis dubiis alterutri litigantium* deferat. *l. 31. ff. h. t. l. 3. C. eod.* Quod ut habeat locum, requiruntur hæc tria, *Probationum inopia, Res dubia, & causæ cognitio.* *d. l. 3. C. h. t.* Probationes quod attinet, ut non sint plenæ, cum hoc casu Actoris intentioni standum esset, sed minus quam plenæ, & ad sententiam ferendam nimis infirmæ, oportet. Secundo, ut *res sit dubia*, requiritur, qualem non intelligimus, quando probationes utrimque sunt pares, quo casu Actoris probationes nullæ, utpote exceptionibus elisæ, & Reus absolvendus videtur. *l. 4. C. d. edendo: arg. l. 9. C. d. except. l. 47. ff. d. O. & Act.* sed tunc, quando judex ob probationes minus plenas, ac infirmas sententiam ferre nequens alterutri partium jusjurandum deferre tenetur, v. g. prolato uno teste omni exceptione majori, quem licet præclaro Curiaë honore præfulgeat, in jure non facere plenam probationem certum est, *l. 9. §. 1. C. d. probat.* sed si aliis argumentis adjuvetur, aliquando plenæ probationis effectum habere poterit, cum hoc à jure nostro non sit alienum, ut illa, quæ singula per se non satis sunt valida, aliunde adjuta vires plenas capiant; at si hæc omnia non sufficiant, nec judex salvâ conscientia sententiam ferre possit, locus erit jurijurando *l. 31. ff. h. t. l. 3. l. 9. C. h. t.* Aliis vero unus testis omni exceptione major hic sufficere videtur: vide Arn. Vinnium: *Sel. Quest. lib. 1. cap. 44.* Tertium adhuc restat requisitum, ut jusjurandum à judice *causâ cognita* deferatur. *l. 3. C. h. t.* ad id, ut dispiciat, actori an Reo jusjurandum deferendum sit, quod præcise definiri non potest, sed providi & circumspecti Judicis judicio pro rerum, Personarum, ac probationum magis, minusve firmarum, præsumptionumque hinc inde militantium circumstantiis relinquendum est. In primis vero curandum est,

ne temere deferatur, *ne*, ut alio sensu Horat. dicit

*Deus intersit, nisi dignus vindice nodus
- - - Inciderit.*

Adde, quod *faciles sunt*, ut notat Jctus in l. 8. ff. d. *condit. instit.* Nonnulli hominum ad jurandum contemptu Religionis, alii perquam timidi metu divini Numinis usque ad superstitionem. & sic unus sæpe alterius temeritate damnum sentiret. Præterea illud jusjurandum non posse referri, neque à judice, cujus ex officio descendit, remitti recte notat Arn. Vinnius *Sel. Quest. lib. 1. cap. 43.* Quod etiam judex alterutro vel utroque invito deferre potest, & quidem post conclusionem in causa; Voet. *comm. ad Pand. n. 29. h. t.* & Fachineus *contr. jur. lib. 1. cap. 16.* atque ita nunc Reo, si gravis contra eum militet præsumptio, nunc Actori, si plene intentionem suam probare non possit, jusjurandum deferretur, & hinc DD. Jurisjurandi in *Suppletorium* & *Purgatorium* nascitur divisio.

Suppletorium inde dictum, quod probationum inopiam supplet, est, quod judex defert ei, qui *semiplene*, vel *saltem non plene probavit*, cum illa probatio non esset per *præsumptiones elisa*. & illud quidem præcipue in hunc finem deferretur, ut Actor infirmas intentionis suæ probationes eo suppleat, aut Reus exceptionis suæ probationem firmet; cui tantum in Civilibus, non etiam Criminalibus causis est locus, ob metum perjurii, cum hoc cuique fere innatum videatur, ut qualiter, qualiter sanguinem suum & corpus redemptum velit; præterea quod in illis requirantur probationes luce meridianâ clariores. l. ult. C. d. *probat.* quas condemnationem & pœnam sequi necesse est, l. 16. C. d. *penis.* Fachineus *contr. jur. lib. 1. cap. 15.* casus etiam alios, quibus jusjurandum *suppletorium* deferri non debeat, recenset Cl. Voet *comm. ad Pand. n. 29. in fin. h. t.*

Purgatorium, quo Reus præsumptiones contra eum militantes purgat, est, quod judex defert illi, contra quem nonnullæ leviores militantes probationes, ut se ab iis liberet. in quo jusjurandum calumniæ non præstari notandum est, quia à Judice, à quo illud

lud deferatur, calumnia metui non debet. Talia juramenta hodie etiam in usu esse notat Ulr. Huberus *in comm. ad Pand.* n. 13.

Caput Tertium.

Qui possunt Jusjurandum deferre, & Quibus deferatur.

Jusjurandum recte deferunt omnes, qui natura, aut Legem non prohibentur. (1) deferunt illud omnes liberam rerum suarum administrationem, & per consequens alienationem habentes, adeoque Domini, alias enim obfaret exceptio, quod deferens rerum suarum administrationem non habuisset. *l. 17. §. 1. ff. h. t.* (2) Tutores & Curatores deficientibus aliis probationibus *l. 35. ff. h. t. l. 17. §. 2. ff. eod.* & quidem sine decreto, quando lis est tantum de rebus sine decreto alienari non prohibitis, alias non nisi impetrato Prætoris Decreto recte jusjurandum deferatur exemplo transactionum, quarum vicem jusjurandum obtinet *l. 2. ff. h. t. arg. l. 4. C. d. præd. & aliis reb. minor.* (3) Procuratores speciale ad id mandatum habentes, vel in rem suam constituti, immo & generales *l. 17. §. ult. ff. h. t.* sed si ille, cui simpliciter est mandatum, ut peteret, jusjurandum detulerit, nil egit. *l. 18. & 19. ff. h. t.* (4) Jusjurandum deferunt Defensores civitatum & collegiorum, si ad id mandatum habeant. *l. 34. §. 1. ff. h. t.* Prohibentur vero hoc deferre (1) Pupilli sine Tutoris auctoritate *l. 17. §. 1. ff. h. t.* Cum hoc sæpe nimis magni foret præjudicii, præstito enim jurejurando tota amittitur causa, quod Minoribus Curatore, videlicet, carentibus tamen concessum est salvo restitutionis beneficio, quando se læsos probant. *l. 9. §. 4. ff. h. t.* (2) Prodigii, similesque. *l. 35. §. 1. ff. h. t.* (3) servi, & filii familias, nisi habeant liberam peculii administrationem, quo casu pater vel

Dominus peculio tenus ex jurejurando tenebitur. *l. 5. §. 2. ff. d. pecul. l. 20, 21, & 22. ff. h. t.* (4) etiam illi, qui cum tempus exceptionis non numeratae pecuniae præterlabi passi sunt, jusjurandum postea non recte deferunt *l. 14. §. 3. C. de non numerat pecun.* & generaliter ex quibus Causis quis non tenetur accipere iudicium, ex iisdem jurare non compellitur *l. 28. §. 2. ff. d. iudic.* & ibi J. Brunnemannus *in comm. ad Pand.* (5) Prohibentur quoque necessarium jusjurandum deferre, qui illud delatum, necdum præstitum probationibus confisi revocarunt, si postea hoc iterum deferre volunt. *l. 11. C. h. t.* Quos moribus nostris impetrato restitutionis auxilio ad jurisjurandi delationem admitti notat Gronewegen. *d. 11. abrog ad d. l. 11. C. h. t.*

Jusjurandum deferretur omnibus cujuscunque sexus, ætatis, & conditionis *l. 26. ff. h. t.* adeoque Pupillis, qui proprie non perjerant, quia scientes non fallunt, *d. l. 26. ff. h. t.* Servis, Defensoribus, Procuratoribus, heredibusque de Domini aut defuncti facto. *l. 23. & seq. l. 9. §. 6. ff. h. t.* Quæstio vero haud ignobilis hic incidit, an Jure Civili Procurator recte jusjurandum præstet in animam Domini? Quod Jus Civile attinet, an eo sit comprobatum, merito dubitari potest, cum nullibi in illo ejus fiat mentio, & male à Quibusdam pro eo allegatur. *l. 9 §. pen. ff. h. t.* ibi enim non dicitur aliquis in alterius animam jurare, sed Procurator vel defensor simpliciter Domino deberi jurat, quem suo nomine propter jusjurandum agere clare docet *l. 39. §. 1. ff. procur.* & ibi Domino per procuratorem non directa, sed utilis tantum acquiritur Actio, de qua intelligi potest. *d. l. 9. §. 6. ff. h. t.* obstat. *l. 13. §. 13. ff. d. damno infect.* Resp.; aliud esse suo nomine jurare de facto alieno, aliud jurare in animam alterius. Illud autem jure Canonum receptum esse dubium non est. *cap. 1. X. d. jurej. calum.* Nec Ratio aut natura obstat, cum homo hominis sæpius sit instrumentum, & unus per alterum animi sui sensa recte declaret, quod etiam in jurejurando admitti posse videtur, ita tamen, ut perjurii poena non maneat jurantem, sed illum, in cujus animam juratur, quale jurisjurandi genus olim non ignotum fuisse patet ex Livio *Lib. Hist.*

31. *in fin.* ubi extat Plebiscitum, quo frater pro fratre ad jusjurandum admissus est. Sed redeamus iterum ad rem, visis itaque Procuratoribus, Defensoribus, heredibusque, notandum nunc quoque est, Fidejussoris jusjurandum prodesse reo, & vice versa. *l. 28. §. 1. & l. ult. §. pen. ff. h. t.* Quos tamen invitos ad jusjurandum compelli non posse sciendum est *l. 34. §. 2 & 3. ff. h. t.* quum justam ignorantiae causam semper allegare possint: & iniquum sit aliquem suo nomine de facto alieno jurare cogi. *l. 42. ff. d. R. I. l. 11. §. 2. ff. d. Act. rer. amot.* si tamen servi aut filii familias juraverint, utilem inde Domino vel Patri nasci Actionem, aut exceptionem dubium non est, cum hoc sibi, qui talibus jusjurandum deferunt, imputare debeant *l. 23. & 24. ff. h. t.* sic etiam Tutoribus, heredibusque jusjurandum super rebus defuncti, vel pupilli deferri posse videtur, nempe ad id, ut jurent, quid sibi de iis compertum sit. Quin etiam Illustres, morboque impediti jusjurandum præstant, sed in domo suâ misso ad illos Tabulario, aliove cum adversa parte. *l. 15. ff. h. t. l. 2. §. 1. C. d. jurej. propter calum. dando. Nov. 124. cap. 1.* Recte quoque illud deferitur Clericis. *Nov. 137. cap. 2.* Antiquitus vero Sacerdotes Vestales & Flaminem Dialentem ad jusjurandum cogi non potuisse perpetuo Prætoris edicto cautum fuit. teste. A. Gellio *Noct. Attic. lib. 10. cap. 15. & Seneca Contr. 8. lib. 6. Sacerdos vestalis raro juret, nequam nisi per suam vestem.*

Caput Quartum.

*Quibus in Causis deferitur Jusjurandum,
 & ob quas Causas recusari
 potest.*

Quod attinet res, de quibus juratur, ut sint licitæ, justæ, graves necesse est, quoniam jusjurandum de re Jure Civili,

vili, aut Naturali illicitâ delatum Leges volunt esse nullum. *l. 7. §. 16. ff. d. pact. l. 5. in fin. C. d. legib. l. 112. §. pen. & ult. ff. d. legat. l. 1. ne juramenta sint iniquitatis vincula, & ita turpibus factis aperiatur fenestra. Defertur igitur jusjurandum in omnibus Actionibus Civilibus, five personalibus, five realibus, rei persecutoriis, aut poenalibus l. 3. §. 1. ff. h. t. etiam in causis famosis. l. 9. §. 2. l. 28. §. 5. & seqq. h. t. l. 13. §. 2. ff. eod. etiam in Actione rerum amotarum. l. 11. §. 1. ff. d. act. rer. amot. Quin immo in Popularibus Actionibus l. 30. §. 3. ff. h. t. Nec non in Quæstione, an mulier prægnans sit, ut ventris nomine in possessionem mittatur, quando se prægnantem jurat. l. 3. §. 3. ff. h. t. l. 10. ff. d. edict. Carb. In Criminalibus vero corpori poenam infligentibus non est admissum, cum ibi probationes certæ, & luce meridiana clariores requirantur. l. ult. C. d. probat. Ant. Matthæus d. criminib. lib. 48. tit. 15. cap. 7. n. 1. Secus ac obtinet, si ad pœnam pecuniariam agatur. l. 13. §. 2. ff. h. t. ad quam actio injuriarum etiam tetendisse videtur in l. 5. §. 8. & l. 11. §. 1. ff. d. injur.*

Quamquam jusjurandum Necessarium regulariter est præstandum vel referendum, excipiuntur tamen quidam casus, & causæ, ob quas jure recusari potest. (1) Si hoc deferatur à Prodigio, quem non habere rerum suarum administrationem certum est. l. 35. §. 1. ff. h. t. adeoque pacisci aut contrahere ad hunc effectum, ut inde obligetur, prodigus nequit. l. 6. ff. d. V. O. junct. l. 40. ff. d. R. F. (2) Si deferatur Pupillis invitis. l. 34. §. 2. ff. h. t. (3) Si quis intentionem, super quâ deferatur jusjurandum, jam plene testibus, instrumentisque probavit, cum jusjurandum subsidiarius sit tantum intentionis implendæ modus. (4) Si jusjurandum refertur de proprio adversarii facto, cujus is tantum est conscius, cui deferatur. arg. l. 11. §. 2. ff. d. act. rer. amot. Fachineus contr. jur. lib. 1. cap. 21. (5) Si deferens prius de calumnia jurare nolit. l. 34. §. 4. ff. h. t. quo casu deferens causa cadit, l. 37. ff. h. t. (6) Si quis delatum jusjurandum novis confisus probationibus revocaverit, & post illud iterum deferre voluerit. l. 11. C. h. t. (7) Si is, qui detulit, non habuerit deferendi facultatem l. 35. §. 1. ff. h. t. (8) Si defe-

ratur

ratur in loco, ubi jurans competens forum non sortiebatur. *l. 35. §. ult. ff. h. t.* (9) Recte quoque improbatae Religionis iuramentum recusatur *l. 5. §. 3. ff. h. t.* etiam quod directo Legibus & bonis moribus adverſatur. *l. 5. §. 1. C. d. Legib. l. 112. §. ult. ff. d. legat. 1.* (10) Cum defertur in caussa Criminali, de quo supra.

Hac occasione etiam quaeri solet, an iusjurandum ob metum, ne perjurium detegatur, puta, si actor per testes & instrumenta intentionem suam probare coeperit, & postea ab illis desistens iusjurandum detulerit, recte recusari possit? Quod cum Cujacio, *lib. 22. observ. cap. 28.* & Fachineo *contr. lib. 1. cap. 22.* aliisque negandum videtur; nec turbat *cap. fin. x. h. t.* ubi dicitur *Actore in probatione deficiente Reus (etsi nihil praestitit) esse absolvendus.* Resp. in nostro casu Actorem Probationibus non plane fuisse destitutum, quia ab illis destitit, sed verius esse, ut iis diffidens, testiumque suorum falsitatem detegi metuens jurejurando causam potius decidi, quam anceps probandi onus subire voluerit, nec ideo statim perjurium metuendum est; neque est, quod Reus hoc casu iuste queratur, cui iurisjurandi praestandi, aut referendi conditio defertur *l. 34. in pr. ff. h. t. l. 9. C. eod.* cum manifestae turpitudinis sit neque jurare, neque referre velle *l. 38. ff. h. t.*

Caput Quintum.

De Effectu Jurisjurandi Litis Decisorii.

Praestiti itaque Jurisjurandi saltem voluntarii effectus est, ut habeat speciem transactionis *l. 2. ff. h. t.* sitque loco interdictum solutionis. *l. 27. ff. h. t.* adeo ut si praestitum sit à Reo, proſit Fidejussori vel contra. *l. 28. §. 1. l. ult. ff. h. t.* modo Fidejussor contemplatione rei, & non sui ipsius juraverit. *l. 1. ff. quar. rer. act. non datur.* habet etiam majorem Auctoritatem, quam res judicata. *d. l. 2. ff. h. t.* à re enim judicata, & sententiâ appellari potest, sed à jurejurando ex conventionem partium

delato non æque; de quo infra. Cæterum jurisjurandi voluntarii, aut necessarii ante litem contestatam præstiti, sive remissi quod idem est *l. 8. C. h. t.* effectus est, ut Reo pariat exceptionem sive in Actione rem, sive in personam, §. 4. *instit. d. except. l. 9. §. 1. ff. h. t.* Actori vero in factum actionem ex jurejurando, *l. 11. §. 1. ff. h. t.* quæ adjectitia qualitas est alterius Actionis, & semper in personam, cum ex quadam conventionem nasci videatur. *l. 25. & 26. §. ult. ff. h. t.* ac proinde, etsi occasione Actionis in rem juratum sit, tamen non contra quoscunque rei possessores, quæ est natura Actionis in rem, sed contra illos, inter quos juratum est, competit. *l. 9. in fin. & seqq. ff. h. t. l. 7. §. 7. d. publ. in rem. Act. l. 3. §. 3. in fin. l. 10. ff. h. t.* nec solet hoc jusjurandum ad alia negotia extendi, quam de quibus est juratum. *l. 28. §. 5. ff. h. t.* adeoque strictam recipit interpretationem. *d. l. 28. §. 7. ff. eod.* ubi dicitur in fine! & omnino hoc observandum est, licet per aliam Actionem eadem questio moveatur, ut exceptio jurisjurandi locum habeat. Quam vis igitur plures ejusdem rei nomine, & ad idem tendentes Actiones competunt, unâ intentatâ, & jurisjurandi exceptione illis, reliquæ nihil operabuntur *d. l. 28. §. 4. 6. 8. ff. h. t. l. 11. in pr. & §. 1. l. 36. ff. eod.* estque Actionis (ut supra monui) ante competentis adjectitia modo qualitas, sic ut pristinam actionem non nover, neque tollat, sed potius ei accedat *l. 25. §. 1. ff. d. constit. pecun. d. l. 7. §. 7. ff. d. publ. in rem. Act. l. 13. §. 3. & 4. ff. h. t.* ita ut in *l. 26. §. ult. ff. h. t.* improprie dicatur jurisjurandi conditio esse species novationis, quod obscure & dubie Jctus indicare videtur; & datur tantum hæc Actio in simplum, quamvis actio principalis inficiando crescat in duplum. *l. 30. ff. h. t.* ad quam Gronewegen *d. 11. abrog.* notat hodie nullam Actionem inficiatione crescere in duplum; sed quid si ad Necessarium jusjurandum accedat Judicis sententia, uti plærumque fit *l. 34. §. ult. ff. h. t.* datur tunc rei judicatæ actio. *l. 8. C. h. t.* eo quidem effectû, ut apellationi postea non sit locus, nec instrumenta noviter reperta, aut perjurii prætextus illud valeant rescindere, de quibus separatim infra.

Primo igitur hic quærendum est, an in Jurejurando Necessario

rio à subsecuta judicis sententia recte appelletur? quod negatur; *l. 12. §. 3. C. h. t.* ubi sic legitur, *nimis est crudele, ipsi parti, quæ hoc detulit, propter hoc ipsum, quod judex ejus petitionem est secutus, superesse provocationem: & in fin. §. 1. ibid. quis ferendus est ad appellationis veniens auxilium in his, quæ ipse facienda procuravit.* Adeoque deferens, si ei jusjurandum referatur, cogitur omnino jurare, aut est condemnandus; sed si is, cui hoc delatum est, justam recusandi causam habuerit, & nihilominus à judice pro confesso habitus est & condemnatus, salvum ei erit Appellationis Auxilium: *d. l. 12. §. 2. C. h. t.* idemque propter luce meridianâ clariora instrumenta noviter reperta, hodie obtinere putat Gronewegen *ad d. l. alias* nihil refert, delatum jusjurandum an quis præstiterit, retuleritve, habet enim, quod sibi imputet Jurisjurandi conditionem se non suscepisse, sed referendo in adversarii juramentum consensisse, cum ea omnis jurisjurandi voluntarii & necessarii sit natura, ut habeat in se tacitam conventionem, *l. 25 & 26. §. ult. ff. h. t. l. 21. ff. d. dolo malo.* & quidem conditionalem, nempe, ut Actore jurante Reus solvat, reo contra jurante Actor ab ulteriore persecutione desistat, ita ut Jctus recte in *l. 2. ff. h. t.* dicat jusjurandum habere speciem transactionis, à quâ appellari non posse certum est. *l. 16. C. d. transact.* & sic etiam negotium jurejurando transactum non retractatur *l. 31. ff. h. t. l. 1. C. eod.* quapropter in *d. l. 2. ff. h. t.* dicitur jusjurandum habere majorem auctoritatem, quam res judicata, quia à re judicata, & sententia appellari potest *l. 20. C. d. appell.* at non à jurejurando Judicis Sententiâ confirmato; ne lites per longum trahantur, inextrabilesque fiant; & hic, qui victus est, id ante detulit, vel retulit, adeoque habet, quod sibi imputet. aliud autem in Judiciali, de quo infra, obtinere videbimus.

Secundo quæritur, an jusjurandum ob instrumenta noviter reperta rescindi possit? Quod etiam negandum videtur, ratio est in vi transactionis, quam ob instrumenta nova non posse rescindi patet ex *l. 19. & 29. C. d. transact.* quod etiam in jurejurando pari passu in plærilque cum illa ambulante dicendum videtur. *l. 2. ff. h. t. l. 31. ff. eod.* Zoësius *comm. ad Pand. n. 50.* sed si instrumenta, quibus veritas argui potest, dolo adversarii sunt sub-

Aracta, ut ita Actore in probationibus deficiente transactione aut jurejurando lis decidatur, transactio nulla erit. *arg. l. 19. C. d. transact. l. 65. §. 1. ff. d. condict. indeb.*

Tertio quæritur, an Perjurii prætextu jusjurandum rescindi possit. Quod negatur, quoniam iniquum est de perjurio quæri. §. 4. *instit. d. except.* & præsumptio veritatis pro jurante militat, ita ut post non amplius quærat, an debeatur, sed modo an juratum sit *l. 5. §. 2. ff. b. t.* Præterea in omni Jurejurando, (ut ostensum est supra) tacite inest conventio & super lite transactio, cujus tanta est vis, ut jurejurando præstito, nisi speciali lege, aut pactio illud excipiatur, ut in *l. ult. C. b. t.* nullo modo, ne perjurii quidem prætextu causa retractari possit. *l. 1. C. b. t.* Obstat dolum hoc admissio pejeranti profuturum esse: Resp. si dolus ab initio intervenisse claris, certisque argumentis doceri possit, tunc jusjurandum, uti aliam omnem dolo maloinitam conventionem doli actione vel exceptione infirmari. *arg. l. 19. C. d. transact. junct. l. 2. ff. b. t.* & perjurium non semper dolo, sed sæpe errore, vel temeritate committi. Nec obstat *l. 21 & 22. ff. d. dolo malo.* ubi denegata doli actione perjurii pæna adversus pejerantem sufficere traditur. Cui sic cum Cl. Voet *comm. ad Pand. n. 25. in fin. b. t.* occurri, & satisfieri posse videtur, nempe, illic agi de jurejurando ab initio bona fide interposito, detecto postea demum perjurio, cujus causa ibi denegatur doli actio, quia dolus initio non adfuit, & jurejurando negotium transactum est, & transactio ob supervenientem dolum, modo ab initio desit, non infirmatur *l. 65. §. 1. ff. d. condict. indeb.* Cæterum in universum causam jurejurando voluntario decisam probato ex novis instrumentis adversarii perjurio, impetrato Restitutionis auxilio, hodie retractari posse notat Gronewegen *ad l. 1. C. b. t.*

Excipiendi tamen hic quidam casus, quibus jusjurandum effectu destituitur. (1) Si delatum est jusjurandum super controversiâ ex testamento orta, de quâ non inspectis testamenti tabulis aliquis juravit, & postea ex illis apparet hunc pejerasse; quo casu olim dubitabatur, jurijurando standum, an id, quod datum erat, restituendum esset, quod Imp. Justinianus in *l. ult. C. b. t.* constitutione suâ decidit, negans illum aliquid ex perjurio suo consecuturum, cum

major ultimæ voluntatis, quam jurisjurandi sit ratio: (2) Si quis in fraudem creditorum jusjurandum detulerit debitori suo, habent fraudati creditores contra jurisjurandi exceptionem fraudis replicationem *l. 9. §. 5. ff. h. t.* (3) Quando Reus Actore deferente juravit *se dare non oportere*, dein Actor deferente reo contra *dari sibi oportere* jurejurando affirmavit, posterior jurisjurandi causa potior habebitur, nec præjudicium alterius perjurio fiet *l. 28. §. ult. ff. h. t.* (4) Effectum non sortitur jusjurandum, quando aliquis sibi deberi rem, quæ non est in rerum natura, juravit *l. 30. §. 1. ff. h. t.*

Judicialis Jurisjurandi effectus est, ut illud à judice alterutri partium delatum, & ab illa præstitum vicem probationis obtineat, & secundum eum, qui juravit, sententia feratur. *l. 31. & l. 11. §. ult. ff. h. t.* ex qua deinceps actio & exceptio rei judicatæ competit, ita tamen, ut ab illa appellari possit. *l. 20. C. d. appell.* ut si quis jusjurandum à judice delatum recte recusaverit, vel adversarius ejus ex delatione Judicis contra illum juraverit, & sic absolutus fuerit, dabitur ei provocationis auxilium, quum hoc jusjurandum non habeat speciem transactionis, adeoque dicta ratio cesset. *l. 12. §. 2. C. h. t. l. 31. ff. eod.* Quin etiam ob nova instrumenta reperta ex Constitutionibus sententia est nulla, & ex integro agi potest, modo his solis quis se usurum promittat. *d. l. 31. ff. h. t.* Quod præcipue locum habet, si ob deficientes Actoris probationes reus est absolutus, quo casu magis ab instantia, quam tota lite videtur facta absolutio *l. 2. C. si ex fals. instrum.* & hoc in jurejurando Judiciali est singulare, cum alias prætextu novorum instrumentorum negotia rescindi non soleant *l. 35. ff. & l. 4. C. d. re judicata.*

Ultimo loco adhuc quærendum restat, utrum tantum jure divino, an etiam jure civili perjurium fuerit coercitum? Quamquam illud verum sit nullâ olim publicorum judiciorum lege perjurium apud Romanos fuisse vindicatum, tamen non prorsus impunitum fuisse satis undique apparet: sic Perjuros aliquando infamia juris notatos videmus *l. 41. C. d. transact.* etiam extra ordinem fustibus castigatos. *l. 13. §. ult. ff. h. t.* ut non immerito ad extraordinaria crimina referri videatur. Aliquos etiam dignitate privatos videmus, *l. pen. C. d. dignit.* testes quoque perjuros fuisse punitos apparet ex *l. 13. C. d. testib.* Nec obstat *l. 2. C. h. t. junct. l. 2. C. ad*

l. Jul. Majest. ubi dicitur, quod *Jurisjurandi contempta religio satis Deum Ultorem habet.* illic enim tantum agitur de jurejurando animi quodam calore per Principis venerationem facto, per quam si pejeratum est, corporis periculum, aut majestatis crimen inferri Imp. Alexander vetat, quasi hoc non ad animum revocans, sed divinæ vindictæ relinquens, uti Imp. Tiberius cuidam Rubrio Principis nomen perjurio lædenti fecit, dicens *hunc, quasi Jovem fefellisset, habendum, & Deorum injurias Diis Curæ esse.* Tacit. 1. *Annal.* sed sibi Imperator non dicit perjurium nullo modo extra ordinem puniri posse, neque debere, adeoque hoc non indistincte ad omne jusjurandum extendendum videtur; nec etiam sanctitati & religioni Romanorum congruum est existimare, perjurii scelus extra omnem legis pœnam fuisse. Sed quod attinet Mores hodiernos, si perjurium clare probari possit, non infrequens est digiti vel digitorum amputatio, quibus in cælum elevatis perjurium præstitum est: & notat Gronewegen *ad l. 2. C. h. r.* Commissa in judicio hodie perjuria arbitrariâ judicis pœna, vel pro locorum statutis diversimode puniri. Hæc de dolo malo commissis dicta sunt, cæterum si quis errore, dolove alterius inductus pejeraverit, & innocentia aperte doceri possit, talis in foro humano absolvendus videtur: Ant. Matthæus *d. Criminib. lib. 47. tit. ult. cap. 1.*

Hæc pro modo Disputationis mihi propositæ sufficere videntur, multa adhuc dici potuissent, sed quæso, ut Benevolus Lector omissa suppleat, male posita corrigat.

F I N I S.

C O R O L L A R I A.

- I. *Pater impuberi exheredato recte tutorem dat.*
- II. *Mulier SCro Vellejano ordinarie renunciare non potest.*
- III. *Creditor in pignore non præstat plus, quam culpam levem.*
- IV. *Periculum rei venditæ, necdum traditæ pertinet ad emptorem.*

F I N I S.

TER EEREN VAN DEN
H E E R
JACOB OCKERSSE,

Tot Meester der beide Regten ingehuldigt.

Wie kan naar maat uw gaaven melden,
En voeren met verheven fin.
Uw lof en deugt ter sterren in,
By 't keurgetal der Letter-helden?
Ik vind myn toon hier veel te laag,
Om naa uw roem mer lof trompetten
Een lauwer U op 't Hooft te setten,
Verdient door neerstigheid gestaag.
Minerva sal haar fiere knechten
Wel senden, om haar pligt te doen,
In 't haalen van een hand vol groen,
Om rondom uwe kruin te vlechten.
Een frische kroon van Lauwerblaan;
Terwyl gy nog staat in verlangen,
Om nu getuigenis t'ontfangen,
Wat gy door vlyt reeds hebt gedaan.
Nu hebt gy eerst uw wit verkreegen,
Door 't schenken van het Meesterschap,
Waar door gy met een groote stap
Syt uwe Maagdschap naa gesteegeen.
Een Maagdschap, die aan 't roer van Staat
Al lange jaaren heeft geseeten,
En sig roemrugtig heeft gequeeten,
Ook in 't Raadsheerelyk gewaad.

Hier

Hier toe hebt gy 't begin genoomen,
Door het verkrygen van 't Vroedschap;
My dunkt dit 's reeds een hoogen trap,
Om tot soo hoogen op te koomen.
Want siet de Nyd is niet gesint,
Om U nog agter naa te streeven,
Naadien gy door uw minzaam leven,
En door uw heusheid word bemind.
Had ik maar geest en kunst in 't singen,
Ik weide dieper in uw Roem,
U noemde ik hier van regt de Bloem,
Of een der regte Opspoorelingen.
Dit sal nu uw geboorte Stadt
Tot uwen Lof haast ondervinden,
Wanneerse aan U tot vreugt der Vrinden,
Sal krygen een soo dierbren schat.
Daar moet dan uw geluk volgroejen,
Soekt daar ook voor en Stad en Staat,
Als hnnne trouwe toeverlaat,
De tweedragt uit het hert te roejen.
Groeit daar in bloei door uw verstand,
In weetenschap van 't regt ervaaren:
Ik wensch myn Vriend een reeks van jaaren.
Tor Stut en Suil van Stad en Lant,

J. V. ALPHEN.

S. S. Th. S.